

Gorongz Ndaw Hagdangz

校园里的榕树

贵港市覃塘区蒙公乡高占小学四(2) 闭晓炯



Hagdangz gou miz go faex-rungz laux ndeu, de daengx bi cungj dwg mwncupcup. Dingqnyi daxgoeng gangj, gorungz neix gaenq maj miz it bak lai bi lo.

Daj giz gyae yawj, gorungz hung neix couh lumj aenliengj heusausau gang ok nei, vih dou dangj ndit cw fwn. Gorungz maj ndaej caen sang ha, beij haj caengz laeuzdoegsaw dou lij sang dem. Gorungz couh lumj bauxbing hungsang ityiengh souj hagdangz. Gorungz maj ndaej geijlai hung ha, hung daengz aeu 5 baux siuj

baengzyoux fwngz gaem fwngz cij got ndaej doh. Haeuj gyawj di yawj, naeng gorungz ndaemndat nyaeuqnyat, couh lumj baux daxgoeng doiq dou riunyumj nei. Gij nye gorungz couh lumj fouzsoq genfwngz baux vunzhung ityiengh, fwngz gaem fwngz gen got gen. Gij rag gorungz ginggvaq daengngoengz dak, fwnraemx rwed, daj gwnz go duengh roengzdaeu, cap haeuj lajnamh bae, miz mbangj diuz rag gig hung, beij gagoek dou lij hung ne. Ngiengx gyaeuj caiq sijsaeq yawj, nga' mbaw mwn-

noengq heuyau, gij saek heuloeg haenx, lwenmyammyam ingj haeuj da daeuj, lumjbaenz dawz cienz-bouh sengminghlig de yienh hawj vunz yawj.

Gyanghaet, gorungz geijlai nauhyied ha! Duzroeg youq gwnz de ciengqgo diuqfoux, gangj goj bwnq lwg, youq gwnz gorungz miz haujlai "aenranz", gyoengqroeg youq baihdaw gvaq ndaej vuen-yungz raixcaix.

Go faexrungz neix couh dwg gingjsaek cei q gyaeunde i hag-dangz dou! (指导老师:覃珍团)

Gou Gyaez Yawj Saw

我爱看书

贵港市覃塘区蒙公乡高占小学五(2) 雷迺涵

Daxboh ciengzseiz doiq gou gangj: "Saw doeg bak baez, ei qsei gag raen". Gou sim siengj: Caen dwg yienghneix lwi? Yienghneix, gou baez ndaejhoengq couh yawj saw, mbouj rox seiz lawz, gou couh gyaez yawj saw lo.

Sujgyaj daengz le, daxboh heuh gou bae banmizyinx hagsib, siengj hawj gou rox lai di cihsiz, daxboh dwg vih gou ndei, mbouj lau sai cienz. Hoeng, gou mbouj leixlangh, naeuz: "Gou mbouj siengj bae bw, youq ranz yawj saw geijlai ndei ha!" Gangj sat, gou couh gag yawj saw faenh gou. Daxboh raen gou yienghneix, cijndei mbouj gangj gijmaz lo. Gig vaiq, sujgyaj gvaqbae lo. Haggeiz

moq haihag le, baez cozwunz daih' it gou couh ndaej daengz lauxsae byaujyangz, gyoengq doengzhag bekwngz cukhoh, gou youq ndaw sing bekwngz riu ndaej diemzsis. Neix cungj dwg goenglauz bonjsaw ha, daj neix hwnj, gou engqgya gyaez yawj saw lo.

Mwh roengzdangz, haujlai doengzhag bae guhcaemz, gou couh yawj saw, miz seiz gou yawj ndaej maez lo, lauxsae daeuj hwnjdangz, cungj dwg baux doengzdaiz daezsingj gou cij rox.

Gou gig gyaez yawj saw, danghnaeuz mwngz hawj gou genj bae youz roxnaeuz yawj saw, gou couh mbouj lawq saek di genj



yawj saw. Aenvih dang gou gaem hwnj bonjsaw seiz, couh lumj byaijhaeuj ndaw sei qgyaiq geiz-heih bae, aen sei qgyaiq neix geijlai mizyinx ha! Miz Bwzsez Gunghcuj caeuq caet baux vunz-daemq iq, gyoengqde sim gig swnh, gvaq ndaej gig haisim; miz dahsau iq gai habfeiz, hawj mwngz gamjsouh gij gyaez raeujrub vunzcaen.....

Gou couh dwg bauxvunz gyaez yawj saw ndeu, bonjsaw hawj gou haujlai cihsiz, son gou baenzlawz guhvunz.

(指导老师:朱卫明)



Aendatbit

削笔刀

贵港市覃塘区蒙公乡高占小学五(1)班 黄朝青

Gou miz aen datbit he, yiengh de gig dwggyaez, gou gig gyaez aendatbit gou.

Aendatbit gou dwg yiengh duzvaiz, daengx ndang cungj dwg saek henjgim. Aenbak duzvaiz yungh daeuj cuengq yienzbit haeujbae dat, gaeuvaiz maj youq gwnz dingj gyaeuj duzvaiz, dinjded daengjhwnj. Dujrwz maj youq laj gaeuvaiz, diuzrieng sohswd, naj bizbwdbwd, yienhndaej gig dwggyaez.

Aendatbit yunghfap gig genjdanh, mwngz sien dawz naj de mbehai, yienzhaeuh dawz gaeuvaiz nep doxhab, dawz yienzbit cuengq haeuj ndaw bak bae, caiq ngauzngauz diuzrieng, yaep ndeu yienzbit couh dat ndaej lo, nyaq yienzbit gienj okdaeuj couh gag ndwnj roengz dungxvaiz bae lo.

Aendatbit buenx gou haujlai nanz lo. De dwg gou lij iq seiz gvaq ngoenzseng, daxboh soengq hawj gou. Geiq ndaej lij iq seiz, youq ndaw hagdangz, gyoengq doengzhag cungj gyaez dawz aendatbit okdaeuj doxbeij, yawj aendatbit byawz cei q ndei yawj, hoeng moix baez gou cungj roxnyinh aendatbit gou cei q ndei yawj.

Aendatbit gou cei q daegbied, yungh hwnjdaeuj gawq fuengbienh youh dat ndaej vaiq, gonjbit dat okdaeuj mbouj saeq hix mbouj co, yungh daeuj sij cih, gij cih gig seuq.

Neix couh dwg aendatbit gou, gou gyaez aendatbit gou.

(指导老师:覃红梅)



Gij Gyaez Daxmeh

妈妈的爱

贵港市覃塘区蒙公乡高占小学 雷国炳

Youq gwnz sei qgyaiq, bauxvunz cei q gyaez gou couh dwg daxmeh gou, de cungj dwg yienghyiengh ciuqgoq gou gvansim gou.

Geiq ndaej miz baez ndeu, daxboh cingq ngamj mbouj youq

ranz. Gou hwnqcong z seiz, gamj-daengz aen'gyaeuj gou naekgywg-gywg. Daxmeh yawjraen gou caeuq bingzciengz mbouj doengz, couh byaij gvaqdaeu lumh aen'gyaeuj gou, daxmeh doeksaet dwk gangj: "Daeg-lwg, mwngz fatndat lo." Gou mbouj miz rengz gangj: "Daxmeh, aen'gyaeuj gou in raixcaix!" Daxmeh simgip naeuz: "Bae, gou daiq mwngz bae yihyen dajcim." Gangj sat, daxmeh

couh aeu ci dap gou bae yihyen. Youq buenq loh, gou gamjdaengz aen-gyaeuj yied daeuj yied naek, couh doiq daxmeh naeuz: "Daxmeh, aen-gyaeuj gou yied daeuj yied naek, vaiq di ndaej mbouj ndaej ha?" Daxmeh sing unq naeuz: "Vaiq lo, vaiq lo, caiq nyaenx yaep ndeu couh daengz lo." Daxmeh dwgrengz dwk caij aenci, siengj vaiqdi daengz yihyen. Gou aenvih ngunh lai, youq baihlaeng

daxmeh ninzndaek lo. Mbouj rox seiz lawz daeujdaengz yihyen lo, daxmeh cuengq gou youq gwnz sahfa z seiz, gou cij singj gvaqdaeu, gou yawjraen gwnz naj daxmeh cungj dwg hanh, baihlaeng geubuh daxmeh hix dumz lo. Youq ndaw yihyen, daxmeh youh nyaengq dwk daiq gou bae yawj canghyw, dajcim, aeu yw. Gij saeh neix guh sat le, daxmeh youh caiq yungh ci dap gou ma ranz. Ma daengz ranz, daxmeh youh bae aeu raemxgoenj daeuj hawj gou gwn yw. Gou yawjraen daxmeh nyaengq hwnj nyaengq roengz, gou gamjdoengh dwk raemxda lae roengzdaeu.

Gienh saeh neix gaenq gvaq le haujlai nanz, hoeng gij gyaez daxmeh yaenq youq ndaw uk gou gig laeg, hawj gou nanz lumz.

(指导老师:覃红梅)